

辛亥革命資料叢刊第五冊目錄


武昌起義

武昌革命團體文學社之歷史	前文學社同人公啓	三
文學社始末	張難先	六
蔣翊武事略	王建中	二〇
羣治學社之始末	張難先	二三
振武學社之始末	張難先	三〇
武昌兩日記	詠簪	三八
武昌起義三日記	吳醒漢	七六
武昌起義談	熊秉坤	八五
辛亥武昌起義經過	鄧玉麟	九九
武昌起義	曹亞伯	一〇四
武漢革命始末記	劍農	一六九
辛亥革命徵信錄	袁廟祝鮫輯	一五五

都督府之組織設施及人選	張難先	二〇七
武漢戰紀	王樹枬	二〇九
鄂省各屬之光復	郭孝成	二四二
荆宜施鶴光復記	李一	二四五
關克威招撫常陽詳記	時報	二八六
武昌起義清方檔案	故宮檔案館	二八九
一 武昌起義後清方動態		二八九
二 關於民清軍交戰情況		三三三
三 軍諮府致內閣函		三六六
四 關於革命軍方面消息		三九四
五 清吏條陳		四〇一



武昌起義時都督黎元洪



起義時的湖北都督府(前清諮議局)




湖北軍政府發行的鈔票




中華民國軍政府之印




武昌起義時秘密機關小朝街八十五號



武昌革命軍炮兵的演習



駐漢各國領事佈告中立



軍政府示

武昌起義

編者按：文學社爲武昌起義直接有關的革命團體，章裕昆撰文學社武昌首義紀實一書，記載甚詳。因一九五二年三聯書店已有單行本，一九五三年版中國近代史資料選錄亦收入此書，容易得到，這裏不再列入。

武漢革命團體文學社之歷史

前文學社同人公啓

致民主報者

記者足下：敬啓者，武昌革命主動團體有二：一爲劉公等所辦之共進會，一卽同人等所創之文學社。社員較衆，實力亦充，去秋起義，頗著微勞。武漢人士，無不有文學社三字印於腦中。只以歷史尙稽宣布，致海內同胞，多未識其真相。近閱滬上某報，竟張冠李戴，誤稱爲某某所創辦者，因將敝社大略，約述如下，請登大報，以供衆覽。

鄂軍革命團體，權輿於劉敬安朱子龍胡瑛季雨霖等所創之日知會，後被郭某偵洩，發起諸人均被逮，朱劉瘐死，是爲第一次之失敗。丁未，楊王鵬唐犧支潘康時（隊官）蔡大輔李抱良等復創一羣治學社，並與何海鳴詹大悲等辦商務報於漢口，以爲機關。以己酉冬月出版，大受社會歡迎。時劉復基蔣翊武已來鄂，先後入伍，與聞其事，社務日形發達。庚戌三月，湖南饑民事起，謀乘機響應，未成事洩。商務報亦相繼以反對粵漢鐵路借款被封，團體因之破壞，是爲第二次之失敗。六月，楊王鵬潘康時唐犧支蔡大輔王守愚等復謀廢續進行，更名振武學社。未幾潘辭差出洋，施化龍代爲隊官，偵知其事，楊李蔡等被黜，團力膨脹，一日千里，大有不可遏抑之勢。同人等預備舉事，復派員赴各省運動，計當時派定者，上海楊王巽，江蘇鍾琦，安徽鄒運猷，湖南楊王鵬，兩廣李抱良，

山東直隸劉九穗，雲南胡喬後因事來舉，東三省鄧翰，此敵社組織時之大概情形也。

川路事起，鄂省風聲鶴唳，人心動搖。本社社員增至三千餘人，同人等知時會已至，因謀與共進會聯絡一致進行。蔣翊武爲正司令，劉復基副之，定於九月初旬大舉。共進會經費，由劉公擔任，本社經費除由李曉湘說湯化龍擔任數十元外，概由社員醴集。端（按端當作瑞）督以川路風潮口逼，偵探密布，防備極嚴，不許軍人越雷池一步。詎知壓力愈重，反動力愈大，社員磨礪以甯，大有刻不能待之勢。八月十八，漢口機關部破，事益急，同人等鋌而走險，急謀於下午十二時舉事。正計議間，適運送炸彈之楊興盛被執，巡警圍逮劉復基彭楚藩蔣翊武等於武昌機關部，楊劉彭三烈士遇害，蔣脫險出，而張廷輔又被執，名冊入於端（按端當作瑞）督手，端（按端當作瑞）督按冊捕人，同人等人人自危。仍以蔣翊武爲總司令，發布命令，爲死裏求生計，而十九日之義舉成矣。當舉義時，王文錦彭紀麟馬得勝謝川權張哲夫李重任余鳳齋關龍胡培才江光國王萬年熊秉坤馬世忠楊載雄金兆龍等首體復散，是爲第三次之失敗。經此三次失敗，原有志士，非開除即假歸，驚弓之鳥，軍中談革命者，落落如晨星矣。是年冬，楊葵等以我輩雖出軍籍，而軍中革命團體不可中斷。乃商以其事屬之蔣翊武。蔣鑒於屢次失敗，欲求一完善保全之策，遂以研究文學爲由，更名文學社。同時唐大悲何海鵬辦大江報於漢口，與爲聲援。辛亥正月元日，蔣集同志於黃鶴樓，開討論會，研究改組方法。時社員已有八百餘人，推蔣翊武爲臨時社長，唐大悲爲起草員，編訂社章。社中置正副社長各一人，下分參謀總務兩部，部分數科，各標各營均舉一人爲代表。二月十五，開成立大會於小東門內同文學舍，選舉職員，舉定蔣翊武爲正社長，王憲章副之，參謀部長劉復基，參議員王華國楊載雄，偵探科唐

鼎甲，聯絡科王守愚李肇甫，調查科龔俠初陳磊，總務部長張廷輔，庶務科羅良駿唐犧支，會計科鄒毓琳，糾察科胡培才蔡子勝，懲罰科胡玉珍。以外蔡大輔任書記，唐大悲任漢口交涉聯絡事宜，胡瑛參預社中一切機要及各處聯絡事宜。各標營代表爲王文錦曹子清江光國廖家驥祝制六陳俊德高尚志張哲夫大單道康葉振中陳道行黃鵠白李翌寅黃繼漢余鳳齋晏柏青劉斌一鍾繼武等，又陸軍中學代表爲甯洪席正銘盧華等。不數月，勢先發難，奪砲據子藥庫，黃鵠白單道康費維漢蔡漢卿劉斌一鍾繼武陳國正雷洪席正銘盧華侯源英謝代倬等先後率同志入城攻督署，分佔楚王台及蛇山、端（按端當作瑞）督迷竄，省垣克復。繼是王憲章胡玉珍祝制六戈承元邱其斌黃振中等克復漢陽，唐大悲何海鳴林翼支趙繼武鄒樹藩等克復漢口，同人等義憤填胸，衝突烽烟，無不以一當百。故不數日，武漢三鎮，盡爲我有，遂樹各省獨立之風聲。其他如恢復荆宜一帶則有唐犧支，荆襄郢安一帶則有季雨霖闕龍胡玉珍章裕昆等，運動九江鎮江等處響應則有顧鴻等，此本社起義時之大槪情形也。

革命告成，目的已達，死者含笑九泉，生者宜力民國，雖不敢以功自詡，然以數千百人，數年著積，憂國保種之熱忱，出入生死，艱難組成之團體，亦未忍聽其久於湮沒，致爲他人所攘奪。如某報所云，未免張冠李戴，謬誤殊甚。前以破壞告終，亟宜從建設着手，改組政黨，因與同盟會宗旨相符，公議全體加入，將文學社名義取消。現六黨合併國民黨成，本社社員盡爲國民黨員。雖起義時曾與共進會聯絡，然源流各別，兩不相混，而與某某則尤爲風馬牛不相及也。不知某報何所據而云然。同人等恐久假不歸，烏知非有，故略述顛末，正其謬妄。至詳細事實，目下編輯未竣，俟脫稿後，奉上候教，餘不白。前文學社同人公啓（一九二二年十月七、八日民主報）

文學社始末

張難先

振武因社長楊王鵬之故，社務停頓兩月，季冬，風潮略平，各社員俱有從速恢復之表示。詹大悲劉堯激王守愚蔣翊武蔡大輔章裕昆等會議於武昌閱馬廠之集賢酒館，討論進行方法，同志多主張復振武之舊觀，詹大悲以「振武社已爲官廳偵知，而振武二字，尤易注目，不如另改名稱，從新組織爲愈。吾輩革命，所重者在精神，不在名稱驚聳耳。」衆聽之，乃決議改組爲文學社，推詹大悲劉堯激王守愚鄒毓琳蔡大輔及各標代表等，推蔣翊武主席，報告改名文學社之意義及簡章，均無異議。旋提議選舉職員。章裕昆動議，「此時暫不設副社長，俟範圍擴充至相當程度時增設。再各標代表，無須改選。」衆贊成。當推蔣翊武爲正社長，詹大悲爲文書部長，蔡大輔王守愚爲文書員，劉堯激爲評議部長，鄒毓琳爲會計兼庶務，胡瑛則在獄策畫。改組後，加入本社者，計有三十標之王憲章張鵬程鍾仲衡張廷輔等，二十九標有蔡濟民張喆夫李達五李濟臣等，四十一標有關龍李必勝楊再雄柳滌凡梁棟顧鴻胡培才王世龍蕭國斌鄒棟等，第八鎮工程第八營馬雲馬驥雲等，二十一混成協砲隊十一營晏柏青符玉龍等，輜重十一營余鳳齋，憲兵營彭楚藩等。旋推張喆夫張鵬程爲本標代表，余鳳齋爲本協砲工輜總代表，關龍爲四十一標三營代表，晏柏青馬榮彭楚藩均爲各本營代表，此一

月中，加入本社者極踴躍。二月十五日，蔣翊武復於黃土坡招鶴酒樓召開代表會議，翊武主席，報告社務太繁，非一人精力所能任，提議推王憲章爲副社長，衆贊成，憲章隸三十標，其標多旗人，憲章才具開展，足資肆應，推爲副長，不僅內部關係已也。主席又提議湖北各軍，皆有本社同志，維馬隊闕如，應推同志投馬隊運動，決議推章裕昆前往，裕昆去後，不久即得社員四十餘人。社務正突飛猛進中，忽值三月二十九廣州失敗，各省疆吏，羣成恐怖時代，防範極嚴，本社常會，亦難召集，劉堯激恐社員咸失聯絡，即請假出營，蟄居開馬廠之文昌閣，每日往各營通問，借諗內外消息。四月風潮略平，十二日，復在黃土坡同興酒樓召開代表會議，除原有代表外，復增加馬隊代表黃維漢，劉堯激主席，報告本社近狀，並提議覓一適當地點遷設機關部，王憲章報告與張廷輔洽商情形，決議賃小朝街八十五號張廷輔寓樓上作總機關，劉堯激王守愚蔡大輔住社辦公，並增設總務部，推張廷輔爲部長。堯激復謂時局逐漸緊張，吾人宜與共進會結合，以厚勢力，衆贊成，翌日，劉堯激即與王守愚同共進會協商，經數次及多人之斡旋，後始聯合。端節，在本部開代表會議，決議在陽夏設立支部，以胡玉珍爲四十二標總代表兼支部長，以鄧兆蘭任交通，即就漢口鄭寓爲支部交通處，漢口集會，則在范明山寓，漢陽集會，則在陳德元寓，自兩派聯合後，皆能本中部同盟會事權統一，責任分担之主旨，同心協力，所以八月十九日，雖遭清吏之慘戮，然下午即將瑞澂張彪驅逐，光復武漢，洵非偶然也。其詳具武昌首義篇中，社章列後。

文學社簡章

一 名稱

本社以聯合同志研究文學，故名曰文學社。

二 組織

本社設社長一人，副社長一人，文書部長一人，評議部長一人，均由社員推舉之。

甲、文書部

- 一 文書四人
- 二 會計一人
- 三 庶務一人

乙、評議部

- 一 評議員若干人
- 二 糾察員若干人

三 職責

社長管理本社一切事項，督同社員，發展本社社務。副社長協助社長發展社務，如社長有事他往時，副社長，得代行社長職權。文書部長，管理本社一切文件冊籍保管事項，會計庶務等屬之。評議部長，專司指導本社社員，研究學識，糾正錯誤。文書協助文書部長，辦理本社一切文件，保管冊籍等事項，會計專司本社社員捐款收入支出保管事項，庶務專司關於本社一切事務事項。評議員，協助評議部長，專司指導本社社員研究學識之責。糾察員，專司聯絡本社社員感情，及糾正社員錯誤。標代表管全標一切進行事宜，營代表亦如之。

四 經濟

本社社員，繳入社金一元，每月按月新繳納月捐十分之一。各隊代表收集，於放餉二日交營代表。營代表於放餉三日內收集送交標代表。標代表五日內，集全標捐款送本社會計點放銀行。開會時，會計須將簿摺交會審查。

五 入社

凡願爲本社社員者，須得本社社員三人以上之介紹，經本社派員調查，認爲與本社宗旨相合者，方得爲本社社員。

六 附則

本簡章如有未盡之處，得臨時更改之。

社員名錄（編者按：名錄照知之錄原文排，傳見後，傳見某篇，亦指知之錄。）

蔣翊武 傳見後。

詹大悲 傳見後。

上守愚 玄一，京山。任文書。

彭楚藩 傳見武昌首義篇，亦加入共進會。

劉復基 傳見武昌首義篇。

楊宏勝 傳見武昌首義篇。

張廷輔 字清臣，直隸人，三十九標排長，在社任總務部部长，即其家爲機關。後起義，任謀

略及第二師師長，民元遇害。

張鵬程

字翼洲，恩施人。三十標代表。攻督署守藩庫，隨討袁。民八護法殘廢。

章裕昆

字德藩，湖南寧鄉人。自軍隊同盟會至首義，努力革命，不爭權利。

何海鳴

湖南衡陽人。起義，任漢口軍政分府副主任，兼參謀長。

廖香芸

四十一標代表，攻督署最出力。

羅良駿

三十標共同起義者。

王贊丞

字連三，漢川人。起義時，任宋錫全參謀。

祝制六

荆門人，四十二標代表。祕密時推爲總司令部參謀。八月首義，光復漢陽漢口，民元遇害。

鄧樹藩

天門人，四十二標二營代表，起義後，在京山爲巡防統領劉韞玉槍斃。

李濟臣

傳見後。

蔡大輔

字雲舫，京山人。任文書。祕密時，推爲總司令參謀，民四討袁爲襄陽鎮守使黎天才

捕解武昌遇害。

胡瑛

傳見科學補習所篇。

龔霞初

湖南人，八月十八日，同三烈士被逮，首義出獄，後辦震旦報。

王憲章

傳見後。

查光佛

字競生，蕪春人。事前被推爲副都督，起義後，任教育部副部長。

唐犧支 字以祀，湖南慈利人，在荊宜反正。

闕 龍 傳見後。

李長齡 傳見日知會篇。

鄭兆南 鍾祥人，陽夏支部長，卽其寓爲漢口交通處。起義時，任兵工廠廠長。

邱文彬 質如，四十二標副總代標，恢復漢陽，砲擊瑞澂兵艦。

胡玉珍 事略見後。

曹振武 世傑，京山人。努力革命，數十年如一日。

林翼支 隨州人，光復漢口時，任標統領代指揮官。

熊 偉 傳見後。

鄭桂芳 爲劉英營長，同李濟臣遇害。

金壽芳 民四討袁，在襄陽同蔡大輔被捕，解省遇害。

李鳳鳴 劉英部下，爲錢明漢誘殺。

羅羣英 四十二標二營副代表。

趙承武 四十二標二營正代表，後任標統，九月四日攻漢口陣亡。

楊選青 襄陽人，攻督署最努力，擢標統。漢口戰爭緊急，因結婚未上前線，槍斃，人多惜之。

余鳳齋 二十一混成協砲工輜總代表，掩護第十一營砲兵，佔據鳳凰山，攻督署。

王世龍 傳見武昌首義篇。